

委羽山續志卷之五

黃巖王維翰嘯林輯

題咏

國朝上

應

瑞字豈石號卧園椒唾子有黃巖詩傳因錄梅齋卧園諸集行世

委羽名勝近來廢盡次章李諸公倡和以志慨云  
物境通靈括海門名山第二洞空存碑容殘斷虛仙跡  
鼎滓峻嶒冷石痕貴客青雲忘地主真人丹井失流源  
浮屠爭佞荒唐佛歸鶴空中笑鈍根

委羽山續志卷五

一 雙硯齋

蔡

礎號芥軒

秋日委羽郎事

步入空明大有天蕭蕭竹樹帶秋煙山童淨掃空林葉  
待煮仙家瑞井泉

蔡

灼字卜言

南郊謁朱子像

孔孟真傳繼者誰諸儒麗雜賴公持謹嚴綱目千秋筆  
解釋經書萬世師面綴七星輝北斗祠鄰五峙映南離  
樊川過化風如作陟降瞻依幸在茲

葉璞

委羽洞

羣仙窟宅五城樓此洞名傳代自周大有鍾聲空聽雨  
古壇琪樹不知秋林深見鳥皆疑鶴谷口逢人問姓劉  
我亦山中披榭侶玉華電腦好淹留

王

翻

原名克晴字敷八公號復庵郡庠生

九日值旱偕從遊登委羽

衆山崔巍羽山低控鶴名山山莫齊覽勝不知風落帽  
登臨那得水平臍回琴點瑟悠然趣萸酒菊花倏爾迷

委羽山續志

卷五

二 雙硯齋

策馬歸來憑吊古九峰秋月兩堪題

朱國權

字平物

秋行委羽

芒履踏幽徑秋懷恰放歌谿深流水靜樹密晚風多野  
叟披雲立山僧採藥過蒹葭餘白露長嘯出巖阿

蔡

攝

號菴溪

仙源夜月

欲向山靈乞仙訣仙源有路蒼苔滑空明回首暮煙深  
不見仙人見明月

葉光煉

號易亭著有繪雪齋集

遊委羽山時空心人在座

仙踪何處覓賸有此丹邱鶴去雲猶在臺空水自流松  
聲天籟發草色暮煙收喜有高吟者春風不負遊

魯

淑

字芸莊江西新城人庚戌進士雍正間令

遊委羽

借得松醪洗結腸坐看翠影弄晴光碧梧葉落秋山冷  
丹井泉流玉洞香誰錫嘉名由控鶴恍疑修竹又成凰  
披襟欲暢茲遊興簿領催人判牒忙

委羽山續志

卷五

三 雙硯齋

柯映萼

字崇木號怡園癸卯舉人著有朱子駐節錄  
三卷文公分年紀畧一卷

寒食掃委羽山祖墓

山評僅讓冠軍名世世因之築墓塋魚豕雖慙祭以土  
松楸猶喜剝於兵白無片羽劉仙隨紅有多花謝豹生  
雨露沾濡剛一拜一年寒食最關情

剪紙爲錢挂薜蘿碑顏猶認大夫柯傳來子姓工商少  
數去兒童四十多青色粉團風俗餅烏絲小賣海山螺  
春醪前進淒然感馬鬣焚黃事若何

趙嘉有

號介仙結社息林

九日遊委羽山

九日窮途客登臨委羽山但聞蟬蛻去不見鶴飛還野  
菊東西採寒藤上下攀白雲迷望眼何處是鄉關

應振聲

號楓巖興府孫晚號超然子著有逍遙廬集四卷行世

同蔡叢溪尋來鶴亭故址

攀松附柏上山巔鶴去亭荒不計年破瓦已無今日地  
積垣應識舊時仙那從度世求金鼎何處浮江見鐵船  
我正續修山乘事閒臨廢址一愀然

盧

祉

字繁介邑丞

委羽山續志

卷五

四 雙硯齋

委羽山小酌

空明山境耐幽探淨拂衣塵入翠嵐來鶴亭前雲上下  
藏經穴畔路東南碑殘古字無人記仙去遺踪有客譚  
飲罷香醪卧石室松風滿耳夢初酣

阮文焯

字朝聖號思輝

控鶴引

洞中大藥熟松下鶴翅輕昂昂頓修趾騎之遊太清仙  
子去瞬息時代已變更鑪灰方化石何日歸翠旌惟留  
片羽白茲山千載名

王謙字六可號牧堂以拔貢授嚴州分水學教諭

遊委羽

亦復似何竒赫然交口推乃知名隱顯不在勢崇卑方石憑人覓仙風向我吹沿崖尋舊跡洞口白雲迷

齊召南號息園一號次風天台人官少宗伯

葵圃以委羽山方石見貽因次原韻一律奉答

控鶴名傳百尺巔采珍人趁雨餘天攜來貴比瓊瑤贈看去工啗琬琰鑄作作有芒真得正稜稜中炬豈微圓削成拳石尊西嶽遊目誰居霄漢邊

委羽山續志

卷五

五 雙硯齋

鉅細甯煩妙手礪堅貞一樣隱泥中尋時守口如瓶靜得處因心有路通康樂咏詩仙不見桃谿稱號德堪同拜君嘉惠施鍼砭醫俗良方貯藥籠

王

譙字學周號韓樓著有漱石吟四卷掛杖笄一卷東施鬢三卷水鏡新書婪尾集八卷

大有宮瞻劉奉林遺像

兀坐蒼茫大有宮守真面目俗塵空清如鶴舞雲間月瘦似梅飄雪裏風塵影拂開山障溼香煙銷盡夕陽紅幾回載酒尋遺跡醉卧當年丹永中

春夜宿委羽書堂

淑氣氤氳大有天萍蹤偶寄帶愁眠寒添薄絮飛雲襲  
風閃殘燈夜雨綿夢摘春桃紅映面慵觀宿草翠含煙  
假饒覓得丹砂訣不羨當年跨鶴仙

袁枚字簡齋

黃巖阻雨居停潘秀才拉遊城外委羽山

道書第一洞云是委羽山及子冒雨往其小如彈丸朱  
子曾讀書地或以人傳道人獻丹石狀若骰子然鐵色  
精且堅足抵青琅玕想見井公博縱瑋鳴金盤我將攜  
此具招同玉女看

委羽山續志

卷五

六 雙硯齋

辛天植

號留二著有函二漫稿

九日登委羽山

登高攜酒入俱依鶴去寒松石自飛洞古煙封秋色淡  
碑殘苔鎖翠痕肥琪花寂寂棲鴻雁丹井盈盈長赤歲  
欲向此中尋舊侶白雲滿地掩清暉

訪空明道人不遇

迢迢何處尋仙跡洞裏煙霞鎖薜蘿一枕驚回黃鶴夢  
千年坐破白雲窩山中方石留丹火井上琪花滿玉柯  
轉過仙人讀書處滿庭明月落花多

王

詩字學詩號駟一歲貢生著有槐庭雜俎在鳴集蝴蝶鳴文薰

贈道士王友鶴卜居委羽

誅茅結屋紫峰尖山靄蒼蒼獲短簷翠柏叢中開鄭谷  
綠楊陰裏任陶潛春晴採藥雲侵袂夜靜鳴琴月透簾  
一曲高歌尊酒後草窗高枕夢魂恬

秋日委羽山集句

長歌登寶地岑參石徑拂莓苔杜甫雁引愁心去韓翃人占仙  
氣來李益蟬聲集古寺太宗菊蕊散花臺錢起日暮香林下儲光義  
遊禽幾處回劉長卿

委羽山續志

卷五

七 雙硯齋

寄阮篤庵設帳委羽山文獻書院

白眼猖狂西晉客詞壇新築傍山隈奇書讀罷穿松徑  
險韻敲成課酒杯雨急深林鳩婦鬧風香古洞鼠姑開  
一天清趣憑君受我欲平分躡屐來

陳錫洛

字繩禹號思渠天台人

委羽秋夜聯句

仄徑披蘿入言遊古洞天陳錫洛松聲清瀉澗竹韻冷驚  
蟬王遵正琴鶴雲中影霞煙物外仙張景請看名利子何  
處得真詮管加華

控鶴自何年，遙傳委羽仙。  
琪花迷古徑，丹井溢流泉。  
鳥喚琴中韻，人遊洞裏天。  
夕陽歌一曲，逸興轉悠然。

林 彪

號魯之字伯寅

### 劉奉林控鶴

九轉神丹就飄飄，鶴駕鸞纒驚辭樹。  
杪忽見出峰巔，背穩和風細身輕。  
覺御便霞蒸，芒履溼雲舞。  
縞衣翻一點，明旋滅數聲。  
杳不傳，逍遙珠闕畔，縹渺玉樓前。  
好結吹笙伴，空期化影旋。  
只今留片羽，洞口鎖寒煙。

馮賡雪

字芝田臨海人

### 委羽山續志

#### 卷五

雙硯齋

和大有洞天元韻

四首錄一

千年古洞塞蕪萊，仙境茫茫孰作媒。  
鶴影隨風歸翠水，笙聲吹月隔瑤臺。  
青童秘宇人難入，黃帝藏書古未開。  
誰向名山題絕壁，蘭柯有客抱琴來。

王祖澤

字芭謀號香岑本姓陳臨海人

### 遊委羽山

古洞皆巖栖，茲山等陶穴。  
旋螺屈曲深，吞吐風與月。  
道是第二天，大有空明揭。  
孤峰翠色蟠，兩水紅塵截。  
奉林既琳舉，雲鬢復成列。  
往往戲人閒，靚粧清夜接。  
居民相

驚怪累土封石泉今雖稍開闢豈是曩高潔羽鶴不可  
尋仙蹤猶未滅山陬方石細碧玉稜稜結人傳仙靈護  
取者戒言說廢觀倚荒郊歲久無斷碣詩成何處題書  
向春林葉

王禮芷

羽山閘

洞口常聞控鶴過一灣碧水影婆娑香泉講學思王阜  
指水盟心湛若波

周宗旦

江南人乾隆間以待衛任右營遊擊

委羽山續志

卷五

九

雙硯齋

過委羽

委羽名聞昔於今始一探雲深封古洞樹密鎖朝嵐丹  
鼎人誰覓元機我欲參匆匆行役去相顧興猶酣

胡士圻

號南村吳江人乾隆間令有政聲

過委羽

棕鞋乞了度空明無限風光眼底生雞犬都如雲外物  
鼓鍾不似世間聞乍來便可忘年月久坐還教淡利名  
望去蓬萊應不遠幾時乘鶴上瑤京

楊廷芳

字槐友鑲白旗漢軍辛酉舉人邑令

委羽洞納涼

嵐光飛翠入空明  
石屋涼生暑氣清  
公退日斜新浴後  
來尋羽客說黃庭

熊登朝 號湘潭

重開第一洞天喜咏

古洞蒼芒沒草萊  
探竒到此若為媒  
峯頭鶴去餘丹竈  
谷口雲封剩藥臺  
不負名山還獨往  
恰逢仙吏喜重開  
而今細與春風約  
料理煙霞我又來

童 芸

委羽山續志

卷五

十 雙硯齋

來鶴亭

海天遼闊景冥冥  
無數峰巒插遠青  
四望曾無鶴來影  
萬松高護羽山亭

應溯頴 字眉山

號蘇苑楓巖子著有蘇苑詩鈔寓遊集

春日偕徐溶川趙南韶項再庭遊委羽

一路尋仙跡  
行蹤到羽山  
白雲迷洞口  
流水入人間  
鶴去遺風翮  
真成見大還  
長生如有藥  
願得駐衰顏

委羽十一景

丹鑪方石

我聞方石竒撥雲過崖壑始信丹有靈洗代及山确  
琪樹垂珠

誰將崑崙姿移植仙源坻覆以六銖衣星光燦玉李  
洞口朝霞

底通滄海泉口吞扶桑日吐出五色煙滿地晴光溼  
大有晨鐘

傳來宋室鍾懸對空明洞昔催妃嬪粧今破仙人夢  
淇園避暑

火輪炙焦土汗溼蒲葵扇清蔭入修篁咫尺炎涼變  
委羽山續志

卷五

十一

雙硯齋

鳳竹鳴鶯

仙人返玉京滿山遺鳳尾忽聞簫管聲知有黃鸝在  
仙源夜月

寂寂眾竅音朗朗孤蟾色策杖過林臯梯絕取未得  
秋江暮帆

小艇盪煙波斜陽挂片席渡口忽聞歌漁燈滿蘆花  
鯉巖晚釣

潮落尚見巖鱗頰未見鯉可知持釣人不是司馬氏  
鶴亭古梅

仙去鶴不來鶴去亭猶在試問古梅花幾歷滄桑改  
樵居積雪

崖際斷雲根煮茗嘗清味幾日掩荆扉學得袁安睡

丹井占天

穴水溉靈苗淺小味香冽也自寓元機雨晴此中洩

張喬林 字卓峰歲貢生著有松窗雜咏

委羽春望

躡屐來遊委羽山碧崖丹璋任追攀淡煙蘿薜鶯初語  
夜月松杉鶴未還幾處牛眠芳草地數家犬吠白雲間

委羽山續志

卷五

十二 雙硯齋

斷碑二尺模糊甚人立斜陽剔蘚班

王 愷

字平甫四川漢州人壬申舉人乾隆間令

委羽尋仙 丹崖八咏之一

空明大有天仙人昔選舉至今龜茲山猶自稱委羽何  
處訪遺蹤林深或愁虎

方石仙蹤 丹崖八景之一

委羽丹鑪闕不開洞天寒永沒秋苔徒傳山骨非黃白  
誰識蓬壺到草萊雨過沙痕時一遇松翻鶴影想重來  
滄桑若問神仙事也共方巖閱劫灰

臧

敬

號雉山歸安人丙辰舉人乾隆間教諭

遊羽山漫賦

真人遺跡說姬周探訪仙山石徑幽古洞邃深峰面面  
塵踪擺脫道頭頭鶴來鶴去亭猶在丹轉丹成井尚留  
欲聽櫓聲何處也還思高步向瀛洲

章逢泉

羽山關

委羽有洞天山泉蒙必達仙人控鶴來一片水禾插

阮培元

字廷才號篤庵已卯舉人

委羽山續志

卷五

十三

雙硯齋

遊委羽

委羽仙人居逶迤林壑美自來屐齒稀破屋卧高士使  
君神仙流山作蓬萊擬披剔出丹房飛樯映穉水新秋  
挈伴行竒蹤探原委緣徑採黃精隨風拾松子野鳥鳴  
啾啾巖花亦坻坻想見洞中人幽意沁肌髓昔欲遊九  
垓豪吟詩綺靡汗漫空與期十載羈行止茲來寫我心  
相與談圭旨長嘯弄白雲促歸興未已蒼蒼暮山佳月  
到兩崖裏

翁開緒

方石

不勞繩削與磨礪面面峻嶒乳竇中任在泥塗長勁正  
肯隨流俗學圓通劇雲搜出精英見滿袖攜來骨節同  
何獨青州堪作貢摩挲擬貯碧紗籠

徐巖英

字伯越邑庠生

方石

福地產竒英異石藏雲竇勁角本天成稜稜世罕覲潤  
若玉斲成燦若金始鏤用濯紫雲浮煙鎖寒光透地象  
誠大哉斯石何雜糅方折媿圓流合矩矧多又想見蒼  
委羽山續志

卷五

十四 雙硯齋

翠間珠珍羅巖岫盤磴探幽竒磊落形長瘦山頭拾未  
盡悠然方潤漱白鶴控遠天地靈常如舊拂拭出泥沙  
似覺剏始就至今倦遊人空明攜滿袖

陳官堯

號拙齋

秋日登來鶴亭集唐句

亭高出鳥外巖石衣新苔遠水見天淨孤雲帶雁來名  
香連竹徑幽梵靜花臺歸路南橋望遙從樹杪回

鄭修德

委羽尋仙

調寄臨江仙

縹渺煙雲浮翠壑凝眸鬱鬱蔥蔥仙人臺榭畫圖中蓬  
萊知不遠閨苑望應同 欲覓丹鑪無舊跡惟傳鶴駕  
凌空千秋寂寞賸荒叢階前芳草綠洞口夕陽紅

周承硯

字子端號蘭谷著有蘭谷詩草

### 至委羽山訪友

出郭尋君日已晡酒樽旋列不須沽禽聲滿耳真絃管  
山色盈眸美畫圖天際鶴翎猶委否洞中仙子得逢無  
更知此地饒方石試共緘雲贈與吾

山近南郊却最靈洞天第一舊傳經而今谷口留仙跡

### 委羽山續志

#### 卷五

十五

雙硯齋

當日雲衢墮鶴翎繞徑竹梅風冷淡堆盤蔬果味解馨  
偶來曠覽幽棲境恍若浮生一夢醒

### 委羽山與曹桂林方石聯句

迥異他山石

蘭谷

形方細復輕擬珠還有角

桂林

比玉

却殊瑩不假磨礱就

蘭谷

憑將鍛鍊成丹砂如化此

桂林

林煮服可長生

蘭

王

霽

字近肅號楚雲牧堂子

### 遊委羽

尋真偶爾愛茲山一卷南華晝掩關爲觸空明騰鶴背

誰知姓氏落塵寰  
崖巔夜靜經聲遠  
樹杪秋高月影間  
眼見蓬萊非海外  
鹿蕉夢破卽仙班

蔡紹南 字守幹號漢石

羽山紀勝

委羽留仙跡  
懸崖作好山  
鶴飛蒼靄外  
琴奏玉沙閒  
瑤草含煙綠  
琪花點石斑  
孤峰明月襯  
滿地白雲閒  
暑到泉猶冷  
春深洞倍殷  
掃苔披錦席  
拄笏倚松關  
境闢紅塵隔  
亭空翠影環  
溪頭聞吠犬  
不見櫓聲還

張鴻圖 字昌基號靈河邑諸生

委羽山續志 卷五

十六 雙硯齋

遊委羽

我來羽山下  
仙蹤拂石看  
仰首碧雲裏  
鶴背瑤碧彈  
一彈起天風  
再彈翔紫鸞  
二彈我欲舞  
換骨無金丹  
雲中顧我笑  
千秋藥鼎寒  
采芝復采石  
歸學仙家餐

韓修紘 號元同著有天山樓詩集

和林處士九日委羽登高元韻

天爲空明闢  
草萊玉京劉阮盡  
輿臺千尋風穴三  
秋迴萬古煙霄一  
羽回雪調翻成  
流徵曲霜籬摧  
老夢花才丹  
楓醉晒行吟  
客青眼猶爲獨  
醒開

韓修組

號敝庭著有嶽古軒詩集

大有洞天歌

天台百里入海邊大有之洞何巍然竒巖秀壁青如黛  
竹樹鬱勃生秋煙聞有劉道人兀坐洞中修真藥煮  
蟾烏烹龍虎道成二八符月輪三載朝元九年面壁若  
然青天下霹靂別君去兮遊玉都高鞭鐵杖吹鐵笛鶴  
飛鐵羽隨鏗然一聲瑤花朶此羽落在洞門前洞門晃  
耀生仙果聞說此洞通海源蛟龍吐氣潮聲喧藏以金  
狗守以青猿石屏開扇分兩垣仙都千古傳神異何人

委羽山續志

卷五

十七

雙硯齋

恍惚探幽元奉林去後經十載後有芳範遙相配委羽  
山前燒金丹道成步月鳴瑤佩美哉三真君瑤宮紫府  
持赤文此地名勝傳千古大有之洞何氤氳我來選勝  
訪靈窟古樹蒼茫山突兀仙家無路洞門深誰向述津  
渡寶筏寶筏杳兮江峰青馮夷擊鼓舞湘靈水晶宮闕  
望無極覺岸何處雲溟溟君不見黃帝得道日龍鬚千  
尺橫空出宮人臣子俱飛昇雲中雞犬成靈質仙兮仙  
兮豈渺茫驂鸞跨鶴本尋常大有洞前歌聲發笑觀塵  
世之滄桑

方石

委羽尋名勝巖巖石自方端莊合矩度嚴厲如瑤璋一點未盈榭四圍自有芒從規非所願秉質獨堅光

牟 鑄字尚輝號愚極

方石

拾向空明最上崗形符地象質含剛一身長抱此圭角百碎甯能改正方光露沙中如礪礫稜寒袖裏等錐囊却羞怪石姿竒詭早並瑤琨上廟堂

盧廷幹號柘林

委羽山續志

卷五

六 雙硯齋

遊委羽和阮篤庵韻

道經紀洞天委羽最稱美仙人去不歸希蹤有高士閭苑擅靈竒茲山良可擬丹鼎白雲封琪花映綠水我來值深秋松梢露珠委招邀素心人山厨飯石子剔蘚捫殘礎嵐翠弄鮮玼結構近尤佳舊痕補獺髓漫悵鶴駕遙豈知駒景靡清幽足討探高歌行且止茗供獻山童咏此仙泉旨遊興正豪奢歸途吟未已晚鍾三兩聲遠送斜陽裏

王再沂

字榮志號艾山

冬日同王西一林齋之阮篤菴遊委羽山

神仙幾度寄遊蹤今日行行雪徑封香繞洞前梅萼綻  
陰聯庭畔竹枝籠千年鶴影沈丹竈百尺翬飛倚碧峰  
斷碣模糊尋古篆怪巖凹凸洗新容坐來石屋鬚眉冷  
煮出溪泉色味濃淨几經攤披霧讀暮山藥採帶雲春  
含杯長嘯空明地得句狂敲大有宮草草言旋情不盡  
春風相約再扶筇

失名

同人遊委羽山卽用程春廬韻

委羽山續志

卷五

九

雙硯齋

欲覓仙人蹤出城探秀色况復路非遙徐步堪游歷既  
承佳友邀且喜日未昃聯轡緩欵行望望見山脊相擬  
滌煩襟來尋雲外宅瑤草與琪花繽紛繞路側策杖上  
峰巔峰平可登陟澄霽天氣佳寫出一林碧古竈沈莓  
苔不見丹砂赤幽坐憩危亭縱觀似憑式竹風生夏涼  
石乳涓涓滴夕陽淡且遠返景照籬隙茗飲興未闌談  
笑風生席題咏集篇章好句供採摘竟日此留連俯仰  
共闕適道侶解餐霞萬綠空所得磊落曠塵懷高嘯凌  
峭壁俯瞰芝泉流洞幽易成黑矯矯鶴在林何時奮逸

翻

委羽山續志

卷五

二十 雙硯齋